

清苑縣志

5

局志 41

73438

190.215

38

1910.1-8

清苑縣志

清苑故無志明興百六十餘年爲嘉靖之戊戌邑侯李公創爲之迨今絕筆者五十年所矣不及時纂修文獻何據會德輿王公蒞政之暇輒維觀風問俗信今傳後惟志是急嘗以其事屬余余謝衰鈍乃更懇仰泉宋公兩河劉公二公遂集邑諸生開局執事畢力殫精甫半載而志成德輿公復加裁訂又屬余序之余惟墨子有言曰吾觀百國春秋則知古者列國有史而志固史之權輿也史以一字寓褒貶而志之體要在紀事而止以備太史之採史採於志志重矣哉余間閱海內郡邑志大都出名公鉅卿學士

清苑縣志

卷首

舊序

才人之筆其善者不畧不繁如丹青繪山川而肖草木一開卷宛然在目矣是故志不欲畧畧惜其遺也不欲繁繁惡其雜也斟酌於繁與畧之間而俾千百載可憑是爲信書如徒嫻辭眩奇譬一闕之市不勝異意矣得無爲說鈴乎二公之學富如武庫思如湧泉其雌黃古今人物而高下之如明鑑之別妍媸止水之照眉睫也令借虎觀天祿方寸之地居之當以良史擅名於邑志何有獨其意各有所重劉公主核實宋公主博採德輿公裁訂之間撮其體要則核而非畧刪其冗雜則博而非繁昔鄭國辭命宣尼取焉爲兼四子之長而苑志得二公參互之德輿公裁訂

之美哉可作渠鑿於將來矣今其志且在畧舊志增其目  
三之一而卷帙則爲四焉其所載圖考之精詳建置之沿  
革星野之分度疆域山川之形勝城池鄉社之設立公署  
學校之增修舖舍橋梁之湮塞祠祀之廢舉寺觀樓閣古  
蹟之存亡風俗之醕滴戶役田賦之登耗里甲均徭之額  
例馬政屯田之變更紀事之明著祥異之徵驗職官名宦  
之賢良薦辟科貢之隆盛封蔭之恩錫人物節孝之卓犖  
寓賢之顯晦而又終之以藝文靡不程形稱物爛焉如睹  
卽指掌列眉不足喻其核而悉矣蓋二公訪而採之也若  
良賈之不遺菅蒯也若良醫之不遺洩洩也德輿公筆而

書之也若權衡之不爽輕重也若繩引之不爽長短也可  
不謂勤心矣哉考故稽實摘藻序事卽以頡頏於作者之  
林亦奚遜焉是志也誠足以信今而傳後也於是乎書之  
以爲序

萬曆己丑夏六月 日

舊志序

邑人 劉堯卿

萬歷乙酉秋德興王侯自中州宜陽移令清苑清苑當南  
北逵道使車旁午故稱繁劇是移蓋當路特簡云侯下車  
卽詢民疾苦見邑之黎庶困於供億輒惻然動念裁無名  
之費清里胥之蠹修惠窮之政而又省賦役除煩苛興學  
校課人才一切措注皆肫肫然真實利民至意越三載政  
成廢舉當事者上其績於朝錫之恩命已而侯以庶政餘  
暇念及文獻諗於衆曰昔自嘉靖戊戌澮溪李公寔肇縣  
志迨今五十禩矣歷歲滋久不有撰述則耳目所不接必  
有散佚而莫考者願治者何以嗣往而範來觀政者何以

清苑縣志

卷首

舊序

三

證今而傳後此有司之責也遂慨然欲增修之乃諏日詣  
邑丞向君懋學簿冷君像幕吳君一龍學博林君鳳劉君  
正東莊君惟恒謬以編次事屬予不類暨宋仰泉予方以  
先御史公見背熒熒待斃其何能文辭之再三不獲已乃  
是歲四月初吉屬諸學彥滑君石六人開局分曹搜羅往  
蹟採輯時事再越月稿成授予予與宋仰泉復重加潤潤  
繁者省之畧者詳之訛者正之幻妄者剔之無關於大體  
者削之凡爲卷有四爲目六十有四以閏月下旬事竣孰  
以取正於太保熙齋高公乃昇就刻予不類因是翰有感  
焉夫茹之川土田猶舊也人民學校猶舊也乃其

則日增其訟獄則日繁其吏弊則日滋其士習民風則日  
渝蓋有更僕未易悉者此其故獨氣數使然哉挽頽波而  
廻狂瀾是在當事諸君子及予二三邑人士也苟惟以文  
視則此修爲贅矣在苑又何藉是而汲汲厯吾侯慮焉予  
不佞敢以自勗而且以告諸君子及後之嗣至與爲邑人  
士者

萬曆戊子閏六月 日

舊志序

拜縣時來敏

邑之有乘猶國之有史也國史統天下之規模其言該而畧邑乘係一邑之紀載其事核而詳雖體裁有詳畧之不同而史之一筆一削與乘之公是公非均留直道於人心其義一也或曰修史之難有三一史才二史學三史識司馬子長古稱良史才車轍馬跡遍天下退而著禮樂平準貨殖諸書及年月表世家列傳非不駕軼千古論者猶譏其博雅不足則史學之難也溫公作通鑑取千三百餘年之事蹟十七史之著述萃爲一書亦云偉矣然以正統子魏不予蜀有遺憾焉則史識之難也修史之難如此而志

清苑縣志

卷首

舊序

五

更可知矣昔江淹有言修史之難無出於志陳壽善敘述李延壽亦悉舊事考其著史俱有紀傳而不敢作志誠以志爲憲章之所繫非老於典故者不能今吾子自擅作者之名毅然以修舉爲己任得無過於僭乎余應之曰否否卑之無甚高論誠如子言則是修志者必握龍門之筆操涑水之觚然後可與登紫陽之堂入扶風之室而史學幾絕於天下矣今世之稽文考獻著述如林亦未聞借才異代何子督過之深也况史志與邑志則有間史志以一言寓褒貶信今傳後而賞罰行焉至於邑志所紀者不過一邑之事原以備太史之採風一邑而外不問也余才乏三

長學疎二酉所修縣志亦日記往事而已傳舊聞而已敢云作乎且清邑舊有志不自余昉也明嘉靖中邑令澹溪李公創爲之自德興王公重修以來迄今絕筆者八十餘年世遠人湮加以兵燹之餘典章散失文獻無徵前令陳公集諸生開館分局卒以發謀盈庭終成築舍而止余以甲寅冬承乏茲土知志書闕狀喟然歎興曰是余之責也夫是余之責也夫時方用兵未遑校讐於筆研間越二年荷諸上臺一意與民休息政日益簡訟日益清敏得優游於簿書之暇取舊志而增修之定公論於學校取月旦於鄉評考往籍之紀載驗故老之傳聞闕者補訛者正是非

不淆於請託校訂獨出於親裁自丁巳暮春削藁秋初告成提綱十有二列目七十有九廣舊志四卷爲十二卷拔學校於建置尊聖教也附災祥於星野謹天變也增朝賀祀典諸儀崇禮制也紀人物而仕隱忠貞各擬其論流品正矣作圖經而城鄉景物燦若列眉名勝全矣巨而名山六川禎祥妖禳靡不闕也纖而郊原村落戶口物力靡不悉也遠而勳烈忠憤閨秀巷隱靡不詳也近而簿書錢穀出入吏治民俗醜疵與夫廢興存亡之跡更沿異同之故靡不紀也是役也剗剗之材取於山筆楮之費捐乎俸不聞館分局以糜廩穀惟日與賢士大夫旁搜遠考集衆思

廣眾益成一家言自知僭越無所逃罪庶幾千百世下因  
文見政其於興革損益之迹不無小補是亦史之權輿也  
異日輶軒探風以昭

王會敏得藉手以獻

康熙十六年丁巳秋八月 日

清苑縣志

卷首

舊序

七

重修清苑縣志序

從來古今之紀載必作述相承而後本本原原可無散  
失邑乘亦有然者考清苑縣志自有明李滄海公創修  
而後屢經續輯及我

朝康熙丁巳歲時公來敏蒞茲邑重修始克詳備其圖書  
卷帙朗若列眉洵鉅製也惜無有相繼而起者迄今幾  
二百年其間山川之更易風俗之變遷人物之瑰琦婦  
女之節孝以及學士大夫之經濟文章其磨滅而不彰  
者可勝道哉 蓬源 承乏茲土非敢云振起斯久而於邑  
乘一事每撫摩舊帙感慨係之夕軍書旁午差務殷繁

清苑縣志

卷首

序

而遽斤斤於是窮山剔谷以待劬劬不免爲識時務者  
笑是以公餘之暇或訪之故老或得之友人凡一事一  
物有關風化輒識於心蓋將彙入志中以爲斯民勸也  
固已久矣茲兵燹已平有志可建爰聘邑人諸君壽原  
專司纂輯並廣延城鄉紳董勸辦是舉或司採訪或司  
校售各盡厥職越兩載而書已告成 蓬源 敢自爲功書  
錄舊編新修廢舉墜皆守土者責斯志俱在不過傳信  
於後以免散失而已况清苑地當孔道控衛

神京爲畿南省會山明水秀代有聞人卽博訪周咨難免  
守闕抱殘之憾惟是自盡鄙忱於見聞所及旣不肯爲

溢美詞又不忍增深刻語據事實錄雖文字之工拙勿計也至於志中之規模條類仍率舊章曷嘗炫異矜奇以自居於著作之林耶後之君子寧是邑者當亦相諒也矣是爲序

贊

同治十二年歲次癸酉夏五月吉日知清苑縣事奉天  
錦水李逢源謹識

清苑縣志歷修姓氏

明

嘉靖戊戌年創修

知縣李廷寶 曲沃人

萬曆十七年重修

知縣王政 邑人 劉堯卿 宋大儒同輯

國朝

康熙十六年重修

知縣時來敏 字開遠江南廬江人恩蔭特簡 裁訂

翰林院侍講四品服食俸郭 棻 邑人

清苑縣志

卷首

姓氏

一

候補內閣中書陳 正 邑人

舉 人賈爾梅 邑人 編集

縣 丞賴仕龍

典 史王 屏

教 諭郭士乾 校正

本縣儒學生員王 胤

劉可書

呂 申

王 鶴 輯錄

清苑縣志姓氏

裁訂

深州直隸州知州前清苑縣知縣李蓬源 奉天錦縣人 乙丑科進士

編輯

五品銜 候選 訓導 諸崇儉 本縣人 廩貢生

校正

清苑縣學教諭前翰林院待詔李九鵬 順天永清人 乙未科舉人

清苑縣學訓導陳慶書 天津青縣人 增貢生

分校

五品銜署隆平縣教諭候選訓導周 洛 本縣人 廩貢生

清苑縣志



卷首

姓氏

督梓

六品銜 清苑縣典史萬獻琛 江西德化人

清苑縣志

目錄

卷首 繪圖

星圖 省城 縣治 學宮 縣境

河道 鄉社 村庄 八景

卷一 地輿

星野 祥異 疆域 沿革 紀事

封爵 川澤 鄉社 村庄 集市

古蹟

卷二 建置

清苑縣志

卷首

目錄

城池 衙署 壇廟附祠祀 堤閘 橋梁

樓亭 坊表 陵墓

卷三 學校

文廟 縣學 諡號 丁祭 祭品

禮器 樂器 禮生 學額 卧碑

諭旨 部議 鄉飲 鄉射

卷四 職官

知縣 縣丞 典史 教諭 訓導

巡檢 主簿

卷五 選舉

進士 舉人 貢士 武進士 武舉人  
薦辟

卷六 田賦

戶口 舊志 田賦 舊志 現在戶口 現在地糧

耗羨 旗租 六項 雜租 三項 俸工

鹽引 土產

卷七 忠烈

忠臣義士 節烈婦女 甲申紀事

列傳 張氏一門家傳

卷八 名宦

清苑縣志 卷首 目錄

循良 賢鐸

卷九

人物 官蹟 卓行 孝義 文學 尚隱分見

卷十

節孝 富賢

卷十一

忠節 世襲 殉難

卷十二

風俗 封贈 恩廕 驛遞

卷十三

兵制 營汛 團練

卷十四 文徵

碑記

卷十五

碑記 國朝 疏 序 記

卷十六 文徵

傳 書 銘 贊

卷十七 文徵

賦 詩

卷十八

清苑縣志

卷首

目錄

三

寺觀 補遺

清苑縣志

卷首

繪圖

論曰古人左圖右史方足以資考鏡志之不可無圖也  
審矣清苑爲

畿南一大都會首省城次縣境次河道次學校次衙署次  
鄉社次村庄歷歷在人目中矣至於上谷八景實有其  
地亦實有其景非若他志勉強湊合者比也舊志漫滅  
另作新圖非敢曰肖其真略具梗概而已識者鑒之志  
圖繪

清苑縣志

卷首

繪圖